



## Annunzias da baghegiar

All'instanza da baghegiar ei sin fundament dil art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 99/2022

Raja Venkatesh Prasad, 6331 Hünenberg; modificaziun da terren dalla parcella nr. 4796 a Surrein-Encarden.

Nr. 111/2022

Swisscom (Schweiz) AG, 3050 Berna; cavar sfoss per nova lingia da colligiazion sin parcella nr. 274 a Rabius-Cavivens.

Nr. 115/2022

Pleiv Sumvitg, 7175 Sumvitg; remplazzar ed optimar indrez fotovoltaic dil baghetg nr. 663 sin parcella nr. 6147 a Sumvitg-Tschepps.

Nr. 122/2022

Ritter Stefania, 7175 Sumvitg; lavurs da manteniment vid annexa dil baghetg nr. 716A ed il tetg dil baghetg nr. 670 sin parcella nr. 6039 a Sumvitg-Laits.

Nr. 123/2022

Ritter Stefania, 7175 Sumvitg; allontanar in crap sin parcella nr. 6039 a Sumvitg-Laits.

Sumvitg, 14-10-2022

*Cumissiu da baghegiar*

## Informaziun pertuccont impediments da traffic sin Via Alpsu denter Sumvitg e Mustér

La Viafier Retica fa lavurs sin la Via Alpsu per impedir curdada da crappa dil Grep da Ferm. Naven dils 24–29 d'october 2022 eis ei perquei da quintar cun impediments per il traffic cun temps da spetga da tochen 30 minutas sin la Via Alpsu H19. Quei mintgamai naven dallas 22.00–5.30.

Per sclariment stat la direcziun da construcziun, tur GmbH a disposiziun sut la nr. da tel. 078 843 93 84. La Viafier Retica ed igl uffeci d'uaul e prighels dalla natira engrazian per Vossa capientscha.

Glion, ils 14-10-2022

*Viafier Retica, Uffeci d'uaul e prighels dalla natira*

## **Rimnada da pupi e cartun**

*Venderdis, ils 28-10-2022*

*Avonmiezdi:* Rabius, Sumvitg, Cumpadials, S. Benedetg e Clavadi

*Suentermiezdi:* Surrein

Sch'enzatgi vul menar sez siu pupi e cartun allas muldas, sesanflan quellas els loghens usitai a Rabius, Cumpadials, Sumvitg ed a Surrein.

Per simplificar la rimnada supplichein nus Vus da far pigns pacs e ligiar ils pachets da pupi sco era quels da cartun aschia ch'els dettien buca dapart.

Grond engraziament per Vossa capientscha e bunaveglia!

*Scolaras e scolars cun las persunas d'instrucziun dil Consorzi da scola Sumvitg-Trun*

## **Uniun da gimnastica Sumvitg**

**Radunonza generala, gievgia ils 27-10-2022**, allas 19.30 ella «Ustria dalla staziun» a Sumvitg

Ei fagess plascher, sche ina ni l'otra vegness a far gimnastica cun nus, ni semplamein ad ina ura da fuffergnadi.

Nies program ei varionts: pilates, spassegiadas, sault creativ, trenaments da moviment e condiziun, calzers da neiv, karate, spinning, seras da divertiment ed aunc bia auter.

Pia, neu era ti cun nus e resta movibla. Annunzias e damondas tier la presidenta Nicole A., 079 542 07 43, ni l'actuara Nicole C., 076 464 48 21

Cordialmein envida

*la suprastonza*

## **Uniun samaritana Sumvitg-Trun**

Nus envidein in e scadin da vegnir a tedlar il referat da signur Jürg Mayer, menader dil CareTeam Grischun. Quel ha **liug mardis, ils 25 d'october 2022**, allas 20.00 ella sala da cultura a Trun. Signur Mayer orientescha sur dalla lavur dil CareTeam, co quel funcziuna, cu el vegn en acziun e tgei pensums e sfidas che s'audan tier sia lavur. Quei ein franc fetg interessantas investas!

Perquei schein nus gia oz: cordial beinvegni.